



二女謚議

予讀家乘里志有二女曰雙鳩在有元之季季也備
山東人徙潤由潤徙常之臧林自唐始唐迄元末族
人元善有二女待季於家紅巾造亂掠常潤間道經
臧林縱劫二女執焉皆殊色將污之女好謂曰此吾
桑梓地義不爾辱過馬塘渡惟爾命是聽賊喜乃免
馬塘渡去家不半里河水深闊二女素聞知故以此
給賊旣登舟出不意連袂躍於河以死先是元善卒
二女僅母存賊退尸浮出如生母收葬焉塋於渡之

高阜每往哭必慟絕每哭卽有雙鳩繞母旁嗚嗚相應和聲甚悲終母之世族人異之封樹其墓近墓立廟皆頽曰雙鳩常之人載其事於志爲州里吐氣雙鳩之名所自來也嗚呼孝不辱先貞不辱身烈不怵死若二女者盡之矣獨恠賊旣平明有天下太祖獎節崇義汲汲恐不得聞當是時吾族人官於朝笏滿牀乃不以二女事齋沐拜疏告天子何也天子旣注意節義二女事又世所希有天子聞之必改色動容賜謚賜封賜廟食且顧命太史氏書諸策太史氏承

命提管削牘而書之往復贊嘆激勸後人光采奕奕今天子無所寵史氏無所載二女事具在僅僅爲家乘之榮州里之華將請而未得與抑莫之請與噫亦弗可考矣且其墓封廟號皆稱雙鳩以雜出於神奇詭恠不數百季墓平廟壞非吾族人之怠意者二女有靈而不享於斯名耶抑別有以耶予末小子旣讀家乘郡志慨然曰凡忠孝節義之氣結而不散或爲雲爲霞爲星爲斗照耀於上或爲鸞爲鳳逍遙羽化於下二女之念母而托於鳩以應和母也此至尊常

不足用爲神奇詭恠以震動愚俗是故雙鳩之名吾
得議削之古有謚典朝埜共之謚於朝爲公謚於埜
爲私私謚不爲罪又女子而賢者自古通得謚瀨江
貞義女之類是也是故二女之謚吾得議筆之謚旣
定然後吾族人一呼而應輯其廟修其墓二女必享
吾族人乃不缺於義故議謚最惡議曰二女不辱先
孝也不辱身貞也不怵死烈也可謚曰臧林二孝貞
烈女儲氏蓋二女歿後三百餘年族子欣爲之私謚
且具議如左云

太學徐君墓誌銘

君諱開泰字成孺姓徐氏其先鍾離人南唐時始徙
爲宜興人宜興之徐至太師文靖公始大文靖有弟
諱濟濟孫諱文煜于君爲曾祖著學行學者號冲菴
先生冲菴生君之祖諱翥翥子諱明羽君考也比二
世守道不仕君少有文入太學大司成刮目偃體相
器待試屢跌卽謝去家居力爲善孝友睦嫻治生
然務儉勤不侮鰥寡孤獨家卒饒豐於財愈好德施
翕然有長者聲閭里閭里中人咸化服之兄某遊重

役君日夜爲心計手畫忘寢食事有緒財物無所出
則悉捐已貲濟之傾筐箱不留一錢事已兄指已所
居宅以償君愀然曰買宅以居子也使子有居姪無
居弟奚忍兄固進君固讓辭堅確至涕泣兄亦泣遂
絕口不言償宅事人以爲難崇禎癸酉宜興有民變
宜小邑有明季年宰相九卿巍科巨宗填塞城市子
弟輿臺廝養虎陷鄉郭少不稱意出片紙示縣令令
唯唯奉惟謹禍立決斃獄杖下者相續或私自擒掠
撲殺株連牽攀空雞犬一村家怨人怒深入骨髓一

唱萬和迺執鋤耨而兵之蜂起蟻聚日求怨家父祖
墓伐土斬棺槨焚其尸骨揚灰當此之時民氣蹶張
形勢高明之家鮮有脫然得保全先人丘墓者一日
衆集於徐氏之壠將發之鋤且雨下有數百人直前
大呼曰止我曹幾誤凡我曹所讐某某謂此墓中鬼
子孫然徐君成孺亦子孫徐君仁人衆共譟大聲曰
然徐君仁人曰止卽止反相與羅拜其墓道而去得
不發君以崇禎癸未月日終享年六十有二娶萬氏
尙書文恭公諱士和女孫子七人樞榮次棟隆次胤

崧次鼎梅次廷楫次智次先枝俱博士弟子君善教
子擇師必賢待之必敬且忠有周生常爲諸子師後
客死君時亦爲客然周之醫藥棺衾歸葬之資皆君
出又告於周之友歛金以遺其妻子給其家君之先
比三世不仕君少有才不得進諸子競爽謂必食報
又不達然自君之亾諸子守君教家益起有孫數十
振振繩繩氣象蘊隆而曩時所見發掘號爲高明形
勢之家或殄滅無遺育間有存者子孫多不材墮其
家聲人僉曰天道且用是決君後人必大昌寬君孫

也最賢能文章與同邑儲欣以文相親一日以君之
狀來而屬以銘銘曰

有侮其鬼豈不公卿匪公匪卿羅拜于墳嶽重不騫
坤厚施生旣保丘墓克開子孫子孫承承隍隍厥聲

奸胥誘致處士子而使人好謂曰公無虞公姪朝以
出子夕以歸矣處士曰兄惟一子奈何出之蹈不測
因重費求直其事三年後定竟不出姪與胥處士子
亦無恙處士善以勤且儉理家家屢破屢起起恒勝
其初娶黃氏父曰湛明湛明一子某遘疾垂斃甚貧
有男七齡指示處士曰將焉置此處士曰於我育我
存猶爾存也經紀其喪抱孤以歸養教婚娶視子三
世綫緒賴以弗墜處士有餘財輒賙族戚之困乏者
鄉鄰緩急勾貸一不辭或以產業質錢已而自占或

別售處士曰彼豈得已而爲此置之如是者非一嗟
乎惟昔周漢興賢取士之制可考矣周六德六行漢
孝弟力田假設處士生其間其姓氏揚於王廷功烈
光於冊書何如哉自漢而來上下以發策決科相震
耀而岩壑積行之君子迺至老死蓬藿而名不稱可
慨也易大傳曰天之所助者順也非此其身在其後
身與後等耳否則天人交眊而爲善者奚勸焉處士
長子漣學行爲學者宗稱漣芹先生不獨舉其字先
生年五十九以歲進士貢 京師授教職是秋舉於

在陽華堂
鄉次子澧亦善士孫亦愚亦魯亦簡漣出亦文澧出
並邑庠生曾孫材者若干人處士始擇師而教其子
也必得人待以忠敬處士父道嚴小過必譴訶以故
澧芹先生學行早成諸子姪從先生學動中規矩有
家法文傑然各自樹立稱於時由是吾邑人無智愚
咸知處士之後必大而助順之天之果有徵也處士
年八十無疾而終在康熙辛酉某月日生故明萬曆
壬寅某月日黃夫人享年七十有四先處士卒合葬
某鄉某原旣數歲孫亦魯懇懇致孝以黃夫人弟錫

朋之狀來而請爲之

與銘余兄事澧芹先生三十

年處士余父行也亦魯之來請也宜銘辭曰

爲子孝弟克恭兄在難單身從敵切齒坦不懂勇孟
賁難爲傭姪易子髮怒衝卒兩全罔禍凶撫呱呱延
黃宗敦親鄰耗素封古有是亟升庸今不然長爲農
人所棄天所憇曷賚爾以賢子行暨文山嶽峙凡學
者競仰止振振孫並材士身康強目覩此後必大常
理耳鬱佳原氣純紫余爲銘億年視

青蓮集卷之十

為平奉命京恭以奔職單良致適以滿世不勤更蓋
平與士余父許也亦曾之來請也宜浚瀨曰
服之非來而請為之 與餘余只事樹其夫坐三十

西山先生墓誌銘

先生宜興人姓楊氏湛露其名也字燕侯邑人無老
穉稱楊燕侯先生若一口云父萬春孝友君子也生
二子季即先生少奇慧書目涉成誦問業良師心通
神解不倚講說蘊於庠冠軍於歲科之試東南名流
咸願交執經之士歲百數通顯者若而人然先小卒
連蹇場屋踰二十年以迄乙酉是年適先生歲薦之
期而 王師下江南先生遽棄儒衣弗服也居北郊
杜門食貧縣宰請師事弗應更四十餘年而壽考令

終於所謂唐家庄者時行年九十矣未病其門人相
與議曰吾師高節無朋以方古賢之采薇而食者其
可因號其師曰西山先生先生弗受聞者宜之故其
卒且葬也明旌行狀隱燕侯弗稱稱西山門人志也
先生秀眉目美鬚髯豐下容止有則望之儼然 國
初仍明制而變通之歲薦起家不十年晉監司入陟
卿貳者相望先生毅然若棄涕唾久約靡悔人以此
高先生然吾聞先生明季時同邑周相國家居邑中
名士悉請業門下先生獨不往相國屬人鉤致之先

生固謝不從江右楊機部來吾宜奇先生文請見不
可壬午秋試機部在留都使人速先生行兼有所語
語頗秘先生竟不赴機部益重先生吾邑人宦江右
者機部一見必首詢燕侯嗟乎士惑於詭遇之利甚
獨恨未有路耳有則昏夜逐逐蕩廉廢恥而趨之風
之胥漸匪一日觀先生所自守豈偶然也哉履常如
此至於際革除之運甘丘園之蹈殆非先生所難而
亦以見先生之爲與夫苟自奮以干鄉黨無識之譽
者異也先生卒康熙壬申某月日其生以明萬曆癸

在陸草堂文集卷之二
卯某月日配張氏繼陳氏皆先先生卒陳生子天錫
女一人適湯某先生八十三歲始得孫有赤芝之祥
故小字芝生名源遠天錫以某年月日葬先生某鄉
某原先生羣書博極期於致行堪輿服氣兩家書竝
行之有效重然喏撫友人孤子若已生恭伯兄老幼
無間耄期拜父母墓必長號失聲著文及詩甚富捐
館後不一存篋中惟家傳一篇而已嗚呼先生固粹
然完人而楊氏之於孝友亦可謂世其家者也兄孫
懷遠紹緒善文以狀請銘於欣欣生晚惜不覩先生

盛壯時而比數十年間同邑中所高山仰止者先生
耳因不揣固陋而爲之銘辭曰

流水交沔涇濁渭清誰與清者西山先生先生之文
讀者起舞匪我仰干貴人自俯孰執迺心不迎而拒
中身得仕如唾斯棄優哉游哉曰各有志南檣北騎
晝夜并營充彼大願不過公卿百年失足伊辱豈榮
關戶授經闔戶懷古春草秋林桑田藥圃道日以高
壽亦以耄埋骨家山歸真渾浩銅官之麓首陽之趾
壤芬泉香奚有彼此首陽之趾銅官之麓歷年滋多

因敢樵牧庭梅蒸瑞赤琥朱霞僉曰休哉有孫哇哇
先生食報在芝生邪

齋昔歎獲遇非叶干貴人自樹樽樽既心不毀而叶
崇水交函聖職罪書精與書昔西山去去去去去
耳因不識固國而為之發續曰
盃舉却而北樓十年間同島中視高山叶叶去去去

新安鄭君墓誌銘

有業于賈而士君子其行者曰鄭明允字志上徽州
歙人也事親孝恭厥兄仁于友朋然未及中壽以卒
其卒也父母具在父八旬君顧言至痛以弗獲終事
父母謂罪通于天嗚呼可哀也已康熙甲寅耿逆犯
新安君避居山中諸人競載服物君獨抱譜牒及先
世遺筆以行或笑之君指所抱者曰服物失更製會
有時是一失可復得哉笑者乃服無何賊大索山中
君夜負其母匿僻場還挈二子僅中道白霧漲山虎

聲震林木君舉燎四顧得石穴納其子穴中疾趨侍
母賊退二子亦無恙兄病手湯藥不離側及亾每慟
輒絕君由是籍籍以孝弟稱邑中然其待親戚朋友
亦有足錄者嘗與某同賈吳下其戚也大失利某號
哭不欲生君曰爾困矣予空手歸尙能粗給衣食發
橐中金悉贈之族子雉經客舍同舍人懼累悉避去
君適夜至駭曰舍空鼠暴可若何秉燭坐屍傍達曙
白于官出私財殮焉淮北友人某以豪俠蕩其貲困
甚君至淮北惻然憐之傾囊以助此皆傳儒衣冠者

所難而君致行之世以市井相訾警且曰此輩無賢
人君子可不可也曾祖應婁明萬曆間名醫授五品
冠帶祖某太學生父某亦名醫君少習儒父命徙治
醫經一覽通曉技精而不試曰十得九猶有一誤也
退而業賈者終其身君娶程氏子二人長曰曾慶次
曰某曾慶字惕餘少慧能文章未弱冠補郡庠生第
一隨食餼逮君之存惕餘讀書奮銳尤喜古文大父
沒哀禮交盡家愈貧衣食于奔走以養大母育孤幼
鄭氏可謂世有其人壬申某月日惕餘葬君某鄉某

原而乞余銘納諸壙辭曰其德也可以儒其技也可以醫胡兩不出此而輕資是齋學儒無成號寒啼饑醫十失一誰實殺之不如服賈子以母孳甘脆日陳色笑熙熙身勞心逸豈愛刀錐急朋友難傾囊贈遺享年胡促君有佳兒伯仲鳳麟家計伯持送死養生如君在時績學大就樹德亦滋君可無恨食報匪遲佳原芊綿末世倚毘我高君行資君好辭鐫之幽石以慰孝思

俞處士墓誌銘

明亡之二十年甲辰月日采山俞處士卒壽六十有九處士縝密健勤有用世材啓禎間數舉有司不利當是時明政不綱進士甲科把握天下羅據內外要顯徜徉恣睢賊私垢汚朋黨傾軋明日夕淪喪弗可救處士年四十有二子各任冠成立文譽籍里中由是處士退然卷懷自弛無用世意付二子家隱采山不十年明亡又二十年處士卒卒之地采山也故號曰采山俞處士云處士諱南吉字廸時好讀書所居

采山貯書一樓工詩古文然虛已善自閔匿雖久與
遊莫知其能疾革出一冊示弟之子猶曰此不足觀
也其虛已善自閔匿如此處士居采山三五散人時
時從之物變節換處士與三五人者必出遊遊或入
窮谷探幽遐則數日不返處士身短小容貌極蒼筋
骨步履兼人每上下巖壑輒援蘿葛少壯無不失色
異顏而處士鬚髯皓雪婆娑其間愈益奮自喜人以
此奇處士明亡處士二子相繼死處士更連舉三子
家累復及處士處士卽好遊不廢事卽治事不廢遊

人益奇之然處士家世仕宦處士賢且材宜有用於
世不幸而隱隱矣不幸又速奪其壯子使有家累而
家又日貧繼舉子皆童穉處士又不幸不及待其成
立以死此無知與不知所悲處士處士曾祖某祖
某皆進士父子官大夫父某子三人處士其長娶蔣
氏父祖皆進士生三子兩男子曰某曰某壯子也女
子一適金壇于某幼子三曰某曰某曰某同母女弟
一又女子一適同邑楊某處士男女子凡八人處士
事親孝友于兩弟兩弟前死撫其孤子如已子然孤

女如已女然交友朋以信與人期不爽刻藏曾祖祖
父之遺書經幾十年彌留發之轉以授其子姪如新
自少至老無一事挂於過差臨命不亂言親友之來
弔哭者必極哀行路之人聞其喪皆太息處士以卒
之年某月日葬龍潭祖塋之左側蔣氏祔焉弟之子
綰問銘於欣欣之婦卽處士所撫其弟孤女子也然
則欣之知處士也宜實且詳敢辭銘銘曰

義興有士邦之彥抱德與才處不見譬彼蛟龍非其
時涵雨蓄雲遏弗施萬物槁枯身下卑天罔祚明物

崇之嗚呼處士已於斯幽幽龍潭考卜宜相爾諸孤
式宅茲

著自君會... 公... 三... 在... 恒... 千... 公... 諱... 水...

友字茲

崇之訓平淑士曰欬祺幽幽誦聖志一宜休爾請所

孝廉漣芹周兄行狀

周君諱漣字漣芹義興雲藹里人義興多望族周最著自君曾祖訖父恒于公比三世不仕恒于公諱永鳳儀公少子也鳳儀諱中立太學生於君為祖曾祖諱勲世樹德稱隱君子君少負異秉篤學善屬文好為湛深之思嘗曰臨文不剝落數層猶無與耳然困於童子試年三十有二督學李公大收常潤二郡試七菟君顧盼立成李公奇賞之拔補博士弟子員冠其曹明年翰林石公督學下江拔食餼自此遇大比

輒復困九進九黜有司君不自挫學益篤思益深文
益奧博無涯涘戊午歲貢 京師 廷試授教職以
歸是秋始雋初本房得君卷擬置副車若有神促之
使進呈者主考熊公李公擊節稱善遂以雋墨卷出
稱者翕然時年五十有九矣君仁人也孝及睦嫺寡
交而泛愛色溫氣和人無賢愚僅一接君無不誦君
爲仁人也色養恒于公一日公稍恚君卽長跪執夏
楚以請諸子孫從君跪幼孫蹶興直視恒于公曰若
欺吾翁耶公大笑君乃起母黃太孺人寢疾君手湯

藥不解衣帶者累旬禱於天願以身代卒不瘳則哀
毀骨立見者感泣焉君與弟某白首親愛無間言族
有產荒而跳者產及逋賦無所歸奸人竄君弟戶籍
中君矍然曰弟素愿寧能控官府求自直此奇禍也
我當之自縣府達撫軍號呼跋涉者三年君自爲諸
生足趾不躡公庭以弟故奮不較利害卒得脫迺已
君族繁厚遇之無親疎苟尊長也必恭卑幼必慈與
之語必導以正族某貧不自聊議毀祖業君傾囊存
之不受券完貧女之不能于歸者族人皆曰於我有

恩君嗛然弗敢當隱其事惟恐聞於人也二十爲人師自後爭相延致所至人情踴躍雖不及門問業者如麻君出心腑告之則大悅倡興文會數十里內爭赴詩書吟誦之聲溢於衢巷故君所就人才尤多已未不第同邑蔣副使慎齋督學楚中延君往君以親老不欲赴恒于公迫之乃行辛酉恒于公壽八十無疾而逝計至君搏膺而呼幾殞者數匍匐歸居廬哀毀甚於黃太孺人時甲子冬赴公車中道得疾卒都門蕭寺中卒之日乙丑首春二日也君世樹德恒于

公尤喜濟人緩急公卒負簿在笥或謂君盍索諸君感曰非吾父意也置之諸以產業質者量其力稍取償焉力不足悉還券所捐凡數百金當是時君方迫於喪葬稱貸以給弗顧也初君之葬黃太孺人也發土得故塚焉君亟命掩之或曰是無主可發也相宅者亦爭之曰掩則移下移下則土薄君曰不可彼棲魄於是久矣是安宅也今而攘之薄莫甚焉薄以葬親罪莫大焉吾不惟大罪之是懼而懼土薄乎必不可遂掩之而移其穴於下君之仁恕有大識如此君

始喜讀左氏春秋愛其淡折曰人謂左氏豔而富見其表不見裏也晚嗜昌黎文以故著作出入兩家然不自收拾脫稿卽軼去所僅存者制藝數百而已子姪多雋才君訓姪如子壬癸兩試補博士弟子員者連五六人俱前茅邑人羨之君諸子才且賢嘗以米舟助外氏急徒手抵家長蹠白君君大喜且曰得無米賤費浮耶更典衣足之謂諸子曰汝曹舉動若此吾何憂出語人曰吾有子矣君享年六十有六以前庚申八月十六生配許氏先君卒子三人長亦愚邑

庠生娶徐氏次亦魯邑庠生娶徐氏次亦簡邑庠生娶史氏孫二人長馥亦愚出娶陳氏次夢蘭亦魯出未聘孫女一亦魯出未字君欣友也兄事之三十六年規過獎美以道相期聞君之訃且駭且悲今數月矣悲不自止取其生平行事有合於古君子之道者猥以不文之詞撰次大方伏冀當世大人先生俯垂採擇賜傳賜銘發潛德之幽光則亡友死且不朽矣謹狀

平賦賦樊美以善林林問春之信且無且悲今媿且
未解絲女一亦曾出未字岳州文出只事女三十六
嬰也丸絲一人身歸亦出嬰刺丸大夢蘭亦曾出
乳主嬰翁丸大亦曾出乳主嬰翁丸大亦曾出乳主

蔣叅議行狀

叅議公姓蔣氏諱龍光號芳萼江南宜興人漢山亭
侯苗裔也曾祖諱適祖諱傑世業儒居大成鄉父諱
邦彥篤行好學徙塘門橋以公貴封奉直大夫益自
下不以貴加人屢舉鄉飲賓年八旬燭下能作蠅頭
楷卒贈朝議大夫配史恭人生子三公其長子也公
少屬文卽穎豎滔滔千言翻水立就未弱冠補邑博
士弟子員學勤而文猛進乙酉
皇清首科舉於鄉未卽第也家貧需祿以養就邳州

教丁史恭人艱服闋補鐸宿松乙未成進士初授中書科中書由中書擢刑部主政歷員外晉刑部郎由刑部郎轉通薊道僉事丁太翁艱里居十年補福建巡海道由巡海道陞江西湖東叅議缺裁補浙江驛傳叅議署臬司事凡數月已而引年乞休督提報可因以原官致仕歲未及週感腹疾以終按公為人整肅以和居官砥礪廉隅然不自襮取名一歸於仁恕所至士民咸愛戴之已去而歌思不忘初任中書間曹也公撰次有隙輒手國朝律例書叅前代刑

法志鉤討貫穿及任刑曹甚得其用出入明允部有大獄大司寇必以屬公先是

世祖章皇帝懲明季綱頓紀弛用法頗重公持之以平然每奏報未嘗不稱指逮山右頒

詔賞賚特優焉其任通薊也通有大豪猾諸小豪蜂蟻附之千百成羣為鹽漕屯驛河工民稅之蠹善操

官吏短長莫敢誰何公至飲水率屬羣吏洗手奉職公念不一鉅創無以澤斯人密請於部擒大豪撲殺

之餘黨股票鳥散由是河漕治屯稅充鹽引流通驛

馬飽騰修城築堤事舉而民不病百姓德之呼曰蔣佛爺治績爲 畿輔最其任巡海道也閩當耿逆甫平公奉檄督修戰艦三百餘以備叵測費甚鉅于是禁苛派選能吏嚴冒破計料授值書工授傭悉取官帑以給經年告成民間晏然無一錢之耗海舶魚鹽例得稽察則歲有所入公罷却之第委府佐汎弁核報而已任驛傳剔釐宿弊驛政一清及其署臬篆也時迫歲終案牘山積公不遑暇食一一親決之引囚使前霽顏與語務得其情日定數十案無留滯者始

公官刑曹卽以讞決明允爲時仰重其後歷更外任尤祗祗慎罰至是署篆數月往往於死獄求生重囚賴以保全者不勝書兩浙無冤人此豈尙書史記所載蘇公忿生張廷尉釋之之流亞歟嗚呼何其仁也公至性過人色養愉愉居喪哀瘠旣戚且易友愛兩弟視弟子女若己子女然篤於故舊微時交遊白首無間卒不以通顯易也公負經世才顧恬於進取通籍後里居之日處其半及爲浙驛傳內自公卿暨外大僚僉欲交章薦剡致公於大位而公歸志已決不

可繫維矣人以此惜公所施之不究而公泊如也里
居自重義不以私瀆諸當事及邑有公務為大利害
所繫必直陳而力請之得請然後已邑人蒙其庇公
遇邑人雖童穉不挾長雖愚且賤體貌加焉投刺者
必屣迎凡見公而退者無賢不賢胥悅服長君既仕
移書告之大畧云吾歷任中外所以不致蹉跌速官
謫以辱先人者無過清慎勤三字耳汝其勗哉疾大
漸諄諄以告長君者告仲君不及他事嗚呼居官居
鄉玉粹春溫如公可謂仁恕君子人矣少嗜讀書老

不釋卷庚子分校北闈得士八人皆名宿所著有日
省錄集慶堂詩稿行於世公以明萬曆乙卯年七月
十六日生以

皇清康熙己巳年九月十五日卒享年七十有五元
配吳氏封恭人副室林氏待贈公子四人女子七人
長宗瑜河南彰德府通判今候補吳出次宗琳候選
知縣次宗琰次宗璽俱林出女適皆名門孫男六人
孫女子七人欣同里晚學也親炙公之休光承公治
命猥以行蹟見屬不揣閭陋撰述梗概雖誌一漏百

要不為失實者伏冀當代大人先生採入 國史嘉
惠銘章為士大夫立德立功者勸焉謹狀

皇清康熙二十九年正月十五日卒享年六十有正元
十六日坐以

省繪兼慶堂精齋許汝世公以世萬曆乙卯年八月
不繫容與于衣林北園許士人人皆各密視卷亦日

祭蔣慎齋文

維某年月日年通家眷姪周漣葉翹儲欣徐煥龍謹
以清酌庶羞致祭於大叅蔣公慎齋之靈曰嗟公之
生挺挺有為昔在唐虞伯夷龍夔龍典納言讒人起
趙伯夔禮樂為文章師二聖端拱垂衣以治吁嗟我
公數偶而奇十起一什施者有涯歛所弗施遽乘尾
箕就公已施古人與幾蔣望於宜山亭始基侯封卿
族千載德滋來遷西餘五世載熹父子甲科里門丕
丕駟馬駕車駢駱黃驪於皇高會鳳誥陸離公不有

是貧食餽糜霜天裋褐弗戚笑嬉吟聲鏗憂抱書俟
時再進再揚適際昌期試之錯節以尹荒疲爾宅爾
田麻藝禾籽爾牛爾羊犬雞息孳岳牧報最六卿同
辭治行第一名來丹墀 帝曰試哉侃侃書思維

帝曰俞乃言勿欺作朕耳目諫議是司公拜稽首退
朝自維臣少讀書忠孝刻肌 天子命臣補闕拾遺
知而弗言法禦魑魅直言極諫臣職若茲勲貴輒專
作威作祺大吏奸回小吏抵巇外吏包苴剝民膏脂
九重壅聞臣罪滔彌聞觸罪苦臣甘如飴獵獵武夫

持兵東垂赤眼雌聲隸視偏裨遂輕王官欲使以願
不便 制詔駁爭無儀詞入公手髮衝星琪薰浴上
章折其恣睢 天子召公責公戇癡公免冠謝天高
聽卑臣言應經履安思危虺蜴弗摧化爲蛟螭慷慨
論列 天顏霽怡曰真諫官眷注孔腴四垣百疏朝
奏夕議命討興除大政是毘 世祖新陟公官外移
旣謫復遷鬼方奔趨山祖水激僕病馬疲佩太守章
署無晨炊貿產故鄉傾家撐枝施及苗蠻鉅石豐碑
令名載路拔擢不遲鄒魯文學簡賢使尸丁繼母艱

血泣漣洏終喪入覲俾釐楚詞是時東南白日鳴鴟
狗彘豕狂羝角觸籬見微知著公言如著帝赫斯怒
命將往笞宿師於荆豹虎熊羆賊阻岳險抗違旌旗
大戰小戰闐闐鼓鞞鄖陽襄陽出沒狐狸公至鄖襄
文教始揆士來謁公形焦肉羸藍縷蕭條衣不蔽胼
屨不納趾冠無敝綏公心怛怗俛首問之未言先泣
間關百罹竄伏草間苦渴與饑出就飲食所患不訾
義不賊從首身分屍寧忍渴饑絕壁斷崖聞公戾止
譬昧見曦重趼帶經旅行伎伎公涕交睫慰撫礪砥

天子聖神滅賊易而若拉朽枯若吹糠粃蠢爾元
惡九族烹醢烽燧灌消恤軫瘡痍歿弓還馬文治維
頤理汝素業仰首伸耆士也踴躍氣吞賊戲殿最兩
郡罔差毫釐三楚聞風如得乳兒天誅訖功江漢坦
夷浮于沱潛洞庭九嶷叠卷累萬日營手披香橘菁
茅沅芷湘籬爭芬競爽楚才信奇曩皆安在知言固
稀首尾四年報命 帝畿寢疾十日歸以靈輜公於
古書晝夜觀窺發爲文辭典與驟馳赫赫封章太史
職之諸所撰著言立不萎公治家門孝友春熙公子

伯仲文爲世推行無纖瑕以公矩規太談方姪夢虎
入幃曰余懷日舉止委蛇疾暨易簣無亂命遺孔子
至矣歘起追隨公之死生磊落欽崎皤皤七旬算又
匪虧公則何憾我心孔悲典型徂謝高山其墮安倣
安仰出涕淋漓奠爵陳辭如公在斯嗚呼哀哉尙饗

祭吳母方太夫人文

康熙三十九年歲次庚辰年家眷侍生儲欣謹以清
酌庶羞之奠致祭于吳母方太夫人之靈曰惟靈懿
德上壽興居康強受天之祐脩承計音驚疑哀疚胡
德之豐大年未究始自柘源曰嬪篁南中外大族府
居潭潭身爲冢婦叔姒有三祗奉舅姑酒食獨諳弗
以勞勩俾介婦參翁疾彌留積感內涵大呼孝媳余
何以堪亟請于帝篤生佳男太翁居業在厚丘里母
懷土風不樂他徙太君留侍色養踰紀逢迎嬉笑日

進甘旨姑也顧言一如翁指先是太翁未夢熊羆買
妾進御寤寐淑姬關雎求賢弁冕四詩舉雄轉先天
道有知是生光祿襁褓疑疑歲行未週姬亦生兒愛
若腹出失母益滋其餘三庶一體惠慈光祿少壯種
學績文世罕伯樂驥駑同羣甲寅而後聞海揚氛帝
簡姚公董率三軍撰書奉幣賁臨吳分帷幄借箸山
川出雲有母尸饗敬謝元纁太君奮怒爾胡寡聞桑
弧蓬矢墮地卽云矧汝久屈收之榆枌讀書萬卷乘
時策勲我老健飯奚此斤斤肅裝就幕賓主交忻二

年歸省猶斥其速復嶺重灘思親在目望雲迫煎遑
計厚祿卜居維揚定省多福大義責子至仁睦族叔
姒孤遺出入顧復娶婦嫁女施逮無服往時里居善
化鄉閭姑媳妯娌煩言恣睢數語解紛相好如初婦
絕諍帚男慚借鋤篁南千家風古之餘晚遇族人周
詢親故輩行殂謝孫曾是注某宅某田某橋某路感
慨廢興忘日斯暮溯自中身世故塵輕蒲團朝拂佛
燈夜明服澣茹蔬疊諫彌誠虛舟比靜寒潦同清期
願轉瞬曾是不羸哀哀孝子草土傷盡茫茫兩儀罕

覲全得太君得全天付懿德爲淑女師爲賢婦則爲
妻道準爲母儀式光祿爲子豹文元孫能讀父書行
登金門曾孫英絕卽之温温翁姑未命神酬乃言德
福并崇壽亦難肩甲子紀日三萬四千敬憫孝子無
損食眠雖則云然胡不百年生芻漬酒揮淚浹浹尙
饗

先叔翼子像贊

從叔父翼子擇工之良者肖其貌命某讚之惶恐
未敢爲也叔亡弟宗復以請爰拜手而爲之讚叔
父能文章爲諸生讀其文者遍天下卒不遇貢於
太學 鼎革後遂不出叔讀書甚富經史尤貫穿
隱居以來手錄尙書春秋至元史止以已意論斷
不蹈襲前人復刪司馬通鑑參綱目及各史別爲
編年書藏諸家某伏讀二書服叔之高識使及少
壯得一第而用於世必有補也又嘆當時所用十

有六七皆庸闇之徒事勢日去尚
赫然富貴而已終於河決魚爛莫可救止
貴等於浮雲叔雖不遇執高節有書可傳未爲不幸也故具爲讚辭如左叔諱懋時翼子其字蓋別號遜翁云

衍衍先叔左圖右編載纂載論烈士暮年有皚者雪亦白其顛所嗟匪耄所希匪賢衍衍先叔知命樂天日出滄波雲開物妍昔在少壯鏃激鋒銛納矢於房沉劍及淵疲牛跛跛大車是牽旣覆爾載俾余淚漣

孔樂我里有園有田在湖之濱有鮪有鱸種秫得酒垂綸得鮮書成二徑羽化升仙哲人萎矣披圖宛然搖膝捋鬚日睥輔偏詼談莊訓瞻之在前望曠湖平朝霞夕煙叔也不死神兮往還

之子孫見羹覲牆末末無極其辭曰

叔父之生棨戟衛宮刮磨豪習敦尚素風異錦珍饌
腊毒實同樂此龕淡以康我躬壁污弗墁器舊僅充
匪嗇翳儉德共是崇人言理家罔廢鞭扑僮指百十
熙熙饘粥少壯勤事衰老鼓腹堂無疾呼奚有笞暴
推斯惠和及于佃僕輸租勞酒家量平斛鞠養涵濡
在歲稔熟突遇饑饉各保家族惜哉叔父弗涉宦津
無民無社曷究慈仁平生寡交落落數人囊金相托
守藏十春水濱之田或乞掩親慨然許與門來上賓

云是吉穴價超等倫羅列几案黃金白銀瞠目弗顧
糞土輕塵謂客且休來遲半旬不以一啗易汝萬緡
嗟嗟世風江河屢徙古人所難輓近有此輓近惡薄
惟利是視好合晉秦胸含井市季弟嘉禮親迎伊始
旁觀牘言聘豐奩鄙以諗叔父推席而起物力方艱
如是足矣告者赧頰齟舌閉齒嗚呼叔父之德連牘
彌羸中淵然而靜外癯然而清坐臥斗室闐無人聲
寤對久許鄙吝自更意者叔度堯夫之流亞而善晦
乎名雖晦必顯嘉言懿行後人思孝此爲真矣念之

念之目擊存矣夫豈畫史丹青足以寫吾叔父之生
乎季冬朔旦姪欣盟沐百拜撰

新陳景賦汝合晉秦胤合共市季季真斷疎殿射故
如如身風武所遇好古人以驥躡遊育北鯨遊惡衛
糞土神聖臨容且村來戰半日不以一掬長或萬餘
之云其言大賈法善論錄候八案黃金白賧銀日洪顯

題像

猗選勝以築室兮紛薜荔其被牆鑿巖石宛若臺兮
疏泉水爲陂塘臺之高可階升兮水泔泔鳴而鏗鏘
田田十畝畢芰荷兮依依者綠楊開八窗以覽萬象
兮中有人兮徜徉不箕踞以作達兮不叫號以飛觴
橫一几以觀書兮容肅肅其孔臧何春秋之富盛兮
而德器之直方披圖儼如傾蓋兮知其人之不可量
珩璜雜珮指以納交兮奈山高與水長

二僧紀事

儀真某氏之婦美商人子見而悅之使嫗導焉婦許諾期以某夜報之金曰爲我具酒食及期夫避焉婦啓扉明燭而俟不至憇於牀羸金置燭旁裹破金遂顯有僧夜擊鐸於路者而過之恠扉之啓也入望見金心動窺其厨無人焉蔬果殺酒腆具餽之巡厨獲刀殺婦人於牀撲燭攫金提其元以出商人子繼至登牀而撫之衣淋淋然及肩乃大駭趨歸門則闔矣再三叩始入驚悸不知所措先是商人以勾會督其

子夜分不獲罷以故遲婦人約翌晨其夫歸愕曰悅之而得夫又何誅盍訊旃遂往門未闢見血掌焉號曰殺吾婦者商人子也鳴諸官官拘而繫諸獄商人愛憐其子密問之子以實告商人曰是獨不獲婦人元耳獲則汝釋矣徧拜捕役賄之厚懸賞格募得賊者居久之漁人獻元元鮮其妹也漁人殺妹以應募官廉得其情立杖殺之有間或告商曰賊得矣某寺僧殺人投其元智井中余知其處卽擒僧至於智井緝獲者下索之得男婦首凡五六名某氏視曰不類

官聞之抵僧法死商人子繫自若也鄉有僧新徙莫知所自來與鄉一人相狎也其人自城歸爲言某僧事僧失色旣而啼曰若多殺人天不若宥余平生所殺一人耳其人詰之曰婦人也吾利其金殺之而投其元於智井鄉人告商商擒僧至於智井去某氏居僅尋丈焉一索獲元刀在側并獲之某氏熟視而啼曰是矣牽僧過市鳴諸官市人猶識之皆曰此曩時苦行募緣僧也每夜擊鐸徧於路寒暑不以輟官具論如律斬僧釋商人子

論曰釋氏之教自虫蠹細物以及一草一木之生惟恐傷之天下之不殺未有如釋氏者然而殺禍之烈釋氏滋甚何哉太史公論商鞅韓非慘刻少恩皆原於道德之意夫釋亦猶是也彼視殺虫蠹草木如殺人然而設爲重律以恐之則固玩其律不信而其視殺人亦如虫蠹草木然矣聖人不爲已甚所以慮禍也如二僧者曷恠焉世多以募緣爲苦行尤尙之余觀其苦形滅體奇詭百出狠戾不仁之性施由身始身且不愛於人乎何有易曰慢藏誨盜冶容誨淫兼

斯二者婦斃商人子陷縲紲中幾不脫禍所從來可不慎哉可不慎哉

不與若何不與若

洪二春敬讓商人于留縣縣中幾不熟脈浪奔來何

遺契說

愚者之愚智者之智客曰然則楚人之收棄地者與
予曰請聞其說客曰宋人有拾遺契者密數其齒喜
曰吾今且得千萬遠近聞之傳以爲笑楚人聞之釋
然悟喟然歎曰嗟乎利有遠期而博得者此類是也
於是收棄地於雲夢之間千百頃盡賣所有買杞梓
榎楠椶幹栝栢數十萬株樹之莠之間植篠簕方其
始也樹如嬰孩竹如瘦蘆葦楚人甚困貧乏不自悔
培益勤煩者芟之仆者起之傾者易之駢枝者削之

荆棘藤蔓斬之既而包既而條又久而喬十年工度
之採未及一所獲逾萬楚人不自喜培益勤五歲一
採三歲一採或間歲已而歲歲採之利無算樹壯生
穉穉復壯壯又生穉以世其子孫是故楚人之富甲
於天下遺契之智也予曰奚獨楚人穰契勞生而子
孫享天下最久長孔子孟子老於行而師事萬世遠
期而博得者非與皆遺契類也周幽王以烽火之戲
亡其身爲其屢欺而人莫之肯信也隋伐陳數勒兵
而不攻陳人習之渡江之日無一卒禦焉張公守雍

丘懸藁取矢復縋人以出賊望見且笑卒然薄之殲
其軍夫陳與賊豈忘備哉爲其屢欺而莫之肯信也
愚者之愚智者之智是故烽火之愚可以滅國可以
破軍遺契之愚可以有天下可以師萬世

愚者之愚皆昔之賢長對秋人之愚可以滅國
其軍夫刺與翅豈必辭請爲其具燬而莫之肯計也
且懲藥非天野歸人以出翅望具且笑卒然燕之難

題南耕詞後

曹子南耕爲悼亡十詞以示其友儲子儲子知其哀
也爲之辭以申之又恐其哀而傷也爲之辭以解之
申曰嗟造物兮胡不仁寵飛廉兮授之魁嘉木連理
兮半折蕙蘭竝蒂兮偏摧后羿兮不仁逞百中兮射
大鳥丹山之鳳折翮而實兮孤鳳叫號於昏曉劉累
兮不仁龍一雌兮潛烹諒烹者之無知兮雄何以爲
情嗟造物兮胡不仁兩美兮必合中道兮棄絕閨閣
鷹鷂兮相守至耄如鼓瑟琴兮吞聲未訣怨秋月兮

耀夜妬芳草兮際春長菁菁以含悽兮又孰知夫令
節與良辰嗟造物兮胡不仁解曰聚散有數兮修短
有命命莫之爲兮數又疇執其柄第聞皇天莫逃兮
順受者聖翳逝波之不返兮寧去日而可追曩歡譬
其若夢兮胡爲乎夢醒而猶迷溪山弗改兮花月無
私琴書自娛兮朋好相隨縱紙帳以孤眠兮在中季
而爲宜徒哀鳴以躑躅兮無乃爲知己之所惜而達
人之所嗤

擬冬日演武場校騎射借所屬登君山遊宴序

李學院
院試

督學之職合所屬文武士而都肄之其武士首校騎
射觀其關弓發矢御馬之能果能矣然後試之論與
策以盡其才著在功令典是職者謹守之乙丑冬余
自蘇蒞常課士江上以某日校射演武場從功令也
場在君山之麓臂江而負山校射之日風清日和獻
伎者爭奮叠雙貫革之士往往有焉事畢余偕郡守
以下自演武場以升君山未幾陟乎其巔然後長江

海門闊狹險易千里一碧之勢金焦驥沙峯尖煙火
左右映帶之勝與夫漁人舳客輕舫巨舫菰蒲洲渚
往來出沒之狀無不寓目而得之余與從遊諸君子
不禁心曠而神悅也獻酌有儀江聲四起余亦忘其
日之夕也余聞山以君名念春申也春申去今三千
餘年江之人猶稱之俾與茲山竝壽豈好義不忘舊
江之人天性固然與然茲邑雖僻實通海潮爲吳中
險要地當海氛未靖樓艦游驚國家嘗宿大師以禦
之自我 皇上御極以來德威竝用海不揚波居人

嬉嬉開戶而臥然則余與諸君子所得以登眺宴遊
覽江山而娛雲物者皆 聖天子賜也易不云乎弧
矢之利以威天下傳曰居安思危詩曰無競惟人至
治之世文武竝建右文而不左武是以海內久安余
今日校射于場必詳必慎豈區區奉職循令行故事
已哉蓋 本朝于萬斯年治安之道寓焉余曷敢不
敬是爲序

天之所以歿天下壽曰母安思或精曰無競卦
賈玉山而歿雲琳香骨 望天子顯也具不云乎
歿歿開口而烟然傾余與精昏于祖壽以登湘宴茲

聖牧和尚塔銘

龍池大和尚聖牧諱超淑古帆和尚法嗣于萬老和
尚爲孫康熙乙亥五月入主龍池疾于冬終于丙子
夏四月朔日壽六十有七僧臘五十有六塋于祖塋
之左方閣維將燼現金色半身來會者咸合掌膜拜
旣入塋門人妙真等撰次其師之行實而屬予以銘
銘曰

師宜興人俗陳姓母吾族也有賢行生師啼笑異凡
兒坐愛跏趺腰骨勁黃冠道士雲去來片言感動入

清淨剃師文毓地化城落髮卽思了死生束書不讀
懼廢日墨公一見驚喜并禪宗大木此童子作培松
詩聲韻鏗十九雷山叅鑑公當機溼鼓啞霜鐘潛然
淚雨倍精進禹門三載神明通空林樸宰枯枝下肩
橫柴擔意瀟灑斷慮絕疑在此時滿眼青山共綠塹
萬老呼來索飯錢掌上一拍猶嫌寡白壁黃金酬寄
食老人直云當不得萬祖意屬古師承大潮大筭開
佛國十又七稔座生蓮撐枝龍池僅一年幻軀血肉
會有盡呵呵笑脫同前賢烈火光中半身見冉冉升

騰金色練來會千人合掌看唄誦阿彌聲一片休驚
此事太神奇祇以初心弗中變平時太息真儒希莢
稗有秋堪療饑卽今浮屠亦季世鬼魅欲畫手恐波
師也爲人最誠樸古衲重來畧邊幅貴人乞人平等
觀發言真率見心腹上堂聽法五百僧拄杖落手負
薪粟自非童穉入空門定作儒林榷楠木收藏靈骨
碧山巔上去祖塿深兩筵弟子妙真次行實我爲銘
辭可未傳同邑儲欣撰

可也... 縣亦... 今... 亦... 想... 畫...

北事太... 以... 中... 變... 執... 息... 真... 謝... 亦...
... 金... 縣... 來... 會... 干... 人... 合... 掌... 香... 即... 前... 兩... 關... 經... 一... 武... 林... 道...

任夔州傳後敘

余少時嘗遇任夔州于塗布衣屣屨樸遯類田塾老人同行有趨謁者余訊之曰此還生任公今日登山採薇者也余就公三揖公答焉立談不數語而別此遇逮今康熙丁丑忽忽四十八年矣八月二日燈下讀任王谷所作公傳至三保危城事讀再三抵几歎曰明甲申之變有以哉崇禎流寇始自戊辰延綏饑民斬木行劫不足當癘疥疾也支蔓及乎甲戌大者癰小者疽肩背腹股咸被其毒矣咎豈特將帥庸士

卒怠哉郡守縣令聞風先遁賊自數百里外從容連轡入掠倉庫金錢粟米車載騾負飽慾颺去不控一弦凡城池失事爲將帥士卒所弗及馳救者以守令先遁故也公任望江學博署縣篆賊大集皖旦暮蹂望江公以署篆吏登陴死守義不寄孥誓率全家與城俱碎傳所載誓詞慷慨及守禦方畧偉然有烈丈夫之風賊悵悵逸脫去望江獲全如是者三士民上其伐大吏以聞吾意當時君相必驚喜嘉嘆立膺不次之擢俾任岩疆之寄而濡滯數年僅陞國子學錄

功高而賞薄棄有用之才置之無用之地以此類推賞罰可知甲戌後賊兵所至守令先遁爲民望者滋衆矣甚或上印綬奉圖籍迎降馬前崩角稽首馴至甲申癰潰疽裂廟社爲墟似有以焉非盡不幸也余嘗論禦敵莫如守守莫善于守令之賢城郭溝池皆王公設之以待暴客者藉令得賢守令平日拊循百姓獲其懽心一旦有事與百姓守之堅壁清堦效死勿去俾敵進無所拔退無所掠雖十萬雄兵可以坐困况烏合草竊之徒乎明自寇起廟堂之上行伍之

石陸草堂文二
間紛紛議勦議撫至郡守能死守一郡縣令能死守
一縣者指不多屈而廟堂議論亦絕不以此爲先悲
夫匪但明之于寇也宋太宗之于遼議戰不議守徽
欽之于金議和不議守終于太宗喪師徽欽失國吁
又可慨也已公官晉樞部出爲夔州太守地陷于賊
無可赴歸休其家余遇公時公之歸已數載而皇
清下江南亦六七年矣傳又稱公犯俗忌以盡孝族
人震焉然公自是登科出仕子女諸孫衆多可警世
之惑于邪說者今公第某子眷壽孫曾益繁曾孫在

賢好學能文少年露頭角外孫曾外孫多賢而善屬
文者此又王谷先生所不及見也王谷古文得大家
法今尙晦其有待以顯歟王谷古文卽未顯然夔州
公之偉烈焯焯千古矣同邑後學儲欣跋



公之對照朝朝千古身同古一受墨書之文

去今尚類其首符以懸煥王谷古文唱未懸然

文皆也又王谷去坐祖不又見也王谷古文爵大家

寶我學誦文少平靈既以於終會於終終寶而善風



書

江